

## Domowy porjad za Serbski muzej, Budyšin

Lube wopytowarki, lubi wopytowarjo,

witamy Was nanajwutrobnišo w našim domje. Serbski muzej je kulturne a kubłanske zarjadnišćo w nošerstwje wokrjesa Budyšin.

Na spočatku Wašeho wopyta chcemy Wam domowy porjad předstajić.

### Zmysł domoweho porjada

Zo bychmy wšěm wopytowarjam a zajimam wotpowědowali kaž tež wěstotu eksponatow zaručili, su wěste předpisy njewobeńdžomne. Domowy porjad je za wšěch zwjazowacy. Ze zastupom do muzejoweho twara připóznawaće naše rjadowanja. Mějće so prošu po přikazach muzejoweho personala.

Serbski muzej je politisce neutralne městno. Wupołożenje flyerow, brošurow a plakatow matej zamołwita za zjawnostne džěto w muzeju abo serwisowy personal dowolić. Wone smědža so jenož na za to předpisane městno wupołožić. Přenajenje rumnosćow muzeja na strony a politiske skupiny je zasadnje wuzamknjene. Za čas zarjadowanjow su wólbne wabjenje, wabjenje stronow kaž tež politiskich skupinow atd. zakazane. To liči tež za wabjenje, kotrež so principijam wokrjesa Budyšin spřećiwja (na př. pornografija, namóc, wohroženje młodostnych). Je zakazane, brónje a druhe strašne předmjety sobu přinjesć.

### Zastup a wotewrjenske časy

(1) Zastupne płaćizny a wotewrjenske časy Serbskeho muzeja móžeće při kasy w foyeru a na našej internetnej stronje namakać. Zastupne lisćiki su jenož jónu płaćiwe a njehodža so na druhe wosoby přenjesć. Popłatkowy porjad orientuje so po aktualnych wobzamknjenjach wokrjesneho sejma.

(2) Jelizo so wot skupiny skazane wjedženje skomdži a do toho njewotpraji, stajimy zličbowanku we wysokosći poprawneho popłatka.

(3) Hdyž je muzej přepjelnjeny abo w padže dalšich wurjadnych přičin móžeja so muzej abo wěste rupy zawrěć.

### Garderoba a wački

(1) Za wotpołożenje drasty a tobołow mamy zawrjene kašćiki a garderobu k dispoziciji. Muzej za nje njerukuje.

(2) Z konserwatoriskich a wěstotnych přičin njesmědža so do wustajenskich rumow spěrawe a mokre wěcy sobu wzać, kaž na př. předešćniki, dešćikowa drasta, nachribjetniki a měški,

wjetše hač A3 (ca. 30 x 42 cm). Tute wěcy maja so do kašćika zamknýc abo w garderobje deponować. W dwělomnych padach rozsudži personal wopytowarskeho serwisa.

(3) Wobhladanje muzeja je tež ze swójskim džěćacym wozyčkom dowolene.

### **Rum za pješkowanje**

Rum za pješkowanje namakaće w přizemju w nuzniku za zbrašenych.

### **Namakanki**

Jelizo sće w muzeju zhubjene wěcy namakali, wotedajće je prošu pola wopytowarskeho serwisa w foyeru. Z namakankami wobchadzamy po zakonskich předpisach.

### **Zakaz kurjenja**

Muzej je zarjadnišćo, w kotrymž njeje kurjenje dowolene. To liči tež za foyer.

### **Zwěřjata**

Zwěřjata, nimo psow za wodženje slepych, njesmědža so do muzeja sobu wzać.

### **Parkowanske móžnosće a wotstajenje kolesow**

Na cyłym terenje Budyskeho hrodu je parkowanje zakazane. Kolesa stajće prošu na wotpowědnym městnje pódla zachoda do muzeja.

### **Zawěšćenje wustajenskich objektow**

(1) Z wěstotnych přičin a zo njebychu so eksponaty wobškodžili prosymy Was, so eksponatow njedótkać. Wustajenske objekty, kotrež su za to myslene, su wosebje woznamjenjene.

(2) Naša mała kofejownja w foyeru skića wuběr napojow. W tamnych rumnosćach muzeja njesmě so jěsć a pić.

(3) Wosoby, kotrež myla muzejowe džěło, je wohrožuja abo mjenu muzeja škodža, móžeja so wot wopyta muzeja wuzamknýc. To liči tež za přeńdženja napřećo domowemu porjadej.

(4) Wučerjow, wjednikow skupin a starši prosymy wo to, na přiměřjene zaděrženje swujich džěći a młodostnych džiwać a při skupinje wostać.

(5) Nuzowe wuchody smědža so jenož w nuzowym padže wužiwać.

(6) Hdyž je alarm padustwa dla, smě zamołwity koordinator wšitke wuchody nimo hłowneho zawrěć, zo by so tam kontrola wopytowarstwa přez policiju wotměć móhła.

(6) Prosymy přećelnje, wšitko wobeńć, štož by wěstoće a porjadej w muzeju škodzeć móhło. Wot Was zawinjene škody maće zarunać.

### **Fotografowanje a filmowanje**

(1) Filmowanje a fotografowanje za priwatne zaměry je dowolene, hdyž sće dowolnosť při kasy kupit(a) a so wužiwanja błyska wzdaće. Za wosebite wustajeńcy wobsteja wosebite rjadowanja, za kotrymiž móžeće so při kasy woprašć. Za komercielne fotografowanje a filmowanje trjebaće dowolnosť. Wone njeje bjezpłatne, chiba zo wabjenju za muzej słuži a

dowolność muzejowego wjednistwa předleži. Prosymy wo přizjewjenje pod [sekretariat@sorbisches-museum.de](mailto:sekretariat@sorbisches-museum.de), tel. 03591/2708700.

### **Wopytowarski serwis**

Nadawk serwisowego personala je, na to džiwać, zo so domowy porjad dodžerži. Prosymy tohodla, zo přikazy a doporučenja serwisowego personala slědujeće. Štóż nima so po domowym porjedže a přikazy serwisowego personala ignoruje, tomu so dalši přebytk w domje zakaza. Wopytowarjo, kiž so wospjet po domowym porjedže nimaja, a/abo so po přikazach serwisowego personala nimaja, dóstanu zakaz přistupa do domu. Po wupokazanju z domu zastupne pjenjezy njewróćimy.

### **Nabyće płaćiwosće**

Domowy porjad nabudže 1. meje 2020 płaćiwosće.

Džakujemy so Wam wutrobnje za Waše zrozumjenje a přejemy Wam přijomny, zajimawy a informatiwny přebytk w našim muzeju.

Budyšin, 1. meje 2020



Christina Boguszowa  
direktorka Serbskeho muzeja

### **Prewencija přećiwo corona**

Jako mjezsobny škit w zmysle prewencije přećiwo corona prosymy wo zrozumjenje nastupajo naprawy a wobmjezowanja při Wašim wopyće. Prošu nošće k Wašemu swójskemu škitej a k škitej sobučłowjekow zakryće huby a nosa. Mějće so prošu po wupisanym puću po muzeju. Prošu njepřimajće nič. Dla zwyżeneho infekciskeho stracha njejsu někotre nastroje wužiwowomne. Na covid-19 schorjeni, wosoby z rizikowych kónčin, jich kontaktne wosoby a ludžo ze symptomami nazymnjenja nimaja přistup do muzeja. Wutrobnny džak za zrozumjenje.